

V. Sine omni controversiarum notitiâ ne intelligi quidem Theologia, à nobis definita, potest.

VI. Theologia viâ à Theologiâ patriæ gradu tantum non essentiâ differt. I. Cor. XIII. 9. 10. 12.

VII. Theologia Catechetica, si sumatur, ut litera sonat, non est fundamentum conciliandi Photinianos cum Christianis & Papistas cum Catholicis. Hebr. VI. 1.

VIII. Non datur Theologia Theoretica, voce pressius acceptâ; quia & principium Theologiæ proprium & medium assequendi finem Theologiæ utrumque, in definitione expressum, quoad priorem analogicè, quoad posteriorem univocè practicum est, II. Tim. III. 15. 16.

IX. Dona in Theologo administrantia non semper conjuncta sunt cum sanctificantibus. Phil. I. 15. 16. 18.

X. Theologus tamen notoriè impius plus sæpe destruit vitâ sceleratâ, quam ædificat scientiâ orthodoxâ.

XI. Theologia Systematica hodie ita est necessaria, ut eâ carere nequeamus & impiè illa suggilletur.

XII. Theologus, etiam irrogenitus, non literam tantum, sed verum Christi & Spiritus S. sensum, præcisâ salutaris applicatione, ex Scripturâ haurire per Divinam gratiam potest. Luc. XII. 47.

Disp. III.

De

Religione.

I.

Una sola religio vera est & salutem præstat. Act. IV. 12.
Matth. XII. 30.

II. Naturalis religio, quâ & gentiles moratiores salvati esse dicuntur, quam & Prophetæ hodierni & Prophetissæ commendant, spectrum est in oculis Divinis. I. Cor. II. 14.
Eph. II. 3. Tit. III. 5. 6. 7.

III. Nulla religio, publicâ professione hodie à Lutheranâ separata, cum eadem in fundamento concordat.

IV. Religionum igitur Syncretismus, aut saltem tolerantia,